

# Premye Siy Twoub Espèk Otistik (Autism Spectrum Disorder, ASD)



Antanke moun k ap bay swen, ou konnen pitit ou a pi byen pase tout moun. Petèt ou te remake reta oswa chanjman nan devlopman pitit ou a. Oswa petèt yon lòt moun fè ou remake sa. Rechèch montre ke timoun ki gen ASD pi byen lè yo resevwa èd pi bonè ki posib. Se poutèt sa se yon bon lide pou konnen kèk premye siy ASD. Si w remake pitit ou a prezante nenpòt nan siy ki anba yo, pale ak pwofesyonèl swen sante w oswa Espesyalis HealthySteps ou a sou ASD.



- **Li pa angaje l nan atansyon konjwen.** Atansyon konjwen se atansyon pataje. Pa egzanp, pitit ou a wè yon kamyon ponpye epi li lonje dwèt li sou li pou asire ke ou wè li tou.
- **Li pa sèvi ak jès.** Pa sèvi ak jès—tankou lonje dwèt—kapab yon siy ASD. Pa egzanp, pifò tibebe ki prèske gen 1 lane ap voye men, bat bravo oswa leve bra yo lè yo vle pou yo pran yo. Gade feyè “16 Jès anvan 16 Mwa” a (ki note anba a) pou konnen ki jès ou dwe atann.
- **Yo gen reta nan diskou (oswa diferans).** Kèk timoun ki gen ASD gen reta nan langaj. Yo ka pa sèvi ak anpil mo oswa reponn lè ou pale ak yo. Yo ka sèlman repete mo yo tande olye pou yo di mo poukont yo.
- **Yo evite fè kontak zye.** Kèk timoun ki gen ASD ap fè kontak zye men yo p ap kenbe l anpil tan.

- **Yo te rive nan etap enpòtan nan langaj yo, men yo te regrese.** Timoun yo ka rive nan etap enpòtan yo epi apre sa yo ka pèdi yo. Se yon regresyon si pitit ou a t ap itilize mo epi sibitman (oswa tou dousman) li sispann.
- **Li prezante gwo bezwen ak/oswa diferans sansoryèl.** Anpil timoun ki gen ASD sansib ak son, touche ak teksti.



Gen anpil chans pou biwo pwofesyonèl swen w nan ap fè tès depistaj pou ASD nan vizit byennèt pitit ou a lè l gen 18- ak/oswa 24-mwa. Poze tout kesyon ou ka genyen sou tès depistaj la. Pafwa gen yon dekalaj ant lè yo remake premye siy ASD yo ak lè yo ka evalye pitit ou a. Konte sou Espesyalis HealhtySteps ou a pou nenpòt enkyetid. Mande pou resous ak sèvis ki disponib yo.

## RESOUS ADISYONÈL

The American Academy of Pediatrics (Akademi Pedyatri Ameriken an)

- [3 Premye Siy Twoub Espèk Otistik \(ASD\)](#)

Pwojè FIRST WORDS® (PREMYE MO) / Navigatè Ttibebe

- [16 Jès anvan 16 Mwa \(Angle, Panyòl ak Kreyòl\)](#)
- [16 Aksyon avèk Bagay anvan 16 Mwa \(Angle, Panyòl, ak Kreyòl\)](#)
- [Lis Verifikasyon 16 Premye Siy Otis \(Angle\)](#)

